

Ulloq: 25. oktober 2023

SJÓMAQ-PULJEP KALAALLISUUNNGORTINNERANUT NAJOQQUTASSAT

Nalornisoqartillugu najoqqutassap danskisoortaa atuuttuaannarpoq. Tamanna patsiseqarpoq allatseqarfimmi qinnuteqaatinik suliarinnittartut kalaallisut paasisinnaannginnerannik.

Sjómaq-puljemut najoqqutassat

§ 1 Siunertaq

- 1) Aningaasaateqarfiup Naalagaaffeqatigiinnerup iluani inuusuttuusut attaveqalersissavai attaveqatigiinnerlu pioreersoq nukittorsassallugu/annertusassallugu.
- 2) Aningaasaateqarfiup inuusuttut nunat akunnerminni ilisarismaqatigiinnerat annertusassavaat, tamatumunnga ilaallutik nunat kulturii, oqaluttuarisaanerat, oqaasii inuiaqatigiittullu aaqqissuussaaneri nutaaliaasut.

§ 2 Kikkut aningaasaateqarfimmut qinnuteqarsinnaappat?

- 1) Inuusuttut peqatigiiffii suliniaqatigiiffiillu Kalaallit Nunaanniittut, Savalimmiuniittut Danmarkimiittulluunniit aningaasaateqarfimmut qinnuteqarsinnaapput.
- 2) Suliniut inuusuttunit aqunneqassaaq. Inuusuttut suliniummut akisussaasuullutillu ingerlatsisuussapput. Inersimasut aallartisarnermut, atortussatigit siunnersuinikkullu ikiuussinnaapput, inuusuttulli tassaassapput aalajangiisussat. Matumani inuusuttut 30-it ataallugit ukiullit pineqarput.
- 3) Suliniutit kajumissutsimik tunngaveqassapput. Kajumissutsimik sulisut aalajangeeqataassapput, pilersaaruserlutik suliniummillu suleqataallutik, suliniummillu ingerlatsisut akissarsiaqassanngillat.
- 4) Makkuali tapiiffigineqarsinnaanngillat:
 - a. suliniutiginiakkat niuerneramik siunertaqarpata iluanaaruteqarnissamilluunniit siunertaqarpata.
 - b. suliniutip suliffeqarfik qaffakkiartornissarluunniit qitiutippagu.
 - c. inuusuttut suliniuteqaqatigiiffiat taassumaluunniit ilaasortai inatsisinut naapertuutinnigitsunik suliniutinut peqataappata/imaluunniit inuusuttut suliniaqatigiit inatsisinut naapertuutinnigitsunut ingalassimanianngippata, suliniutinulluunniit inatsisit nalinginnaasut naapertunngippatigit imaluunniit suliniutit tamat oqartussaaqataanerannik tunngaveqanngippata.

§ 3 Suliniummut kina akisussaava?

- 1) Qinnuteqartoq peqatigiiffiuppat tassani siulersuisut suliniummut akisussaasuussapput. Taamaammat DUF-mut qinnuteqarnermi peqatigiiffik sinnerlugu attaveqaataasup aningaasaateqarfimmut qinnuteqarnermi tamakkiisumik piginnaasitsissuteqarnissaa pingaaruteqarpoq. Peqatigiiffimmit DUF-mut qinnuteqarnermi attaveqaataasoq peqatigiiffik sinnerlugu suliniummut tamatigut pisussaaf-feqassaaq. Allamik attaveqaatit inissittoqassappat Peqatigiiffiup siulersuisuisa allakkatigut DUF-mut nalunaarsinnaapput, taamaattoqassappallu nalunaarutigigasuarneqassaaq.
- 2) Inuusuttut suliniaqatigiiffiat sinnerlugu attaveqaataasup toqqaannartumik killeqanngitsumillu suliniut pillugu DUF-mut tamatigut akisussaassaaq. Tamannattaaq suliniaqatigiinniluunniit peqataajunnaaraluaaraanni atuutissaaq. DUF-ip allamik attaveqataasoqalerpat akuersinissamut akisussaaf-feqanngilaq.
- 3) Suliniaqatigiiffimmi attaveqaataasoq inersimasuussaaq.

§ 4 Aggvaanermut tunngaviit

- 1) Aningaasat naalagaaffeqatigiinnermi siammasissumik agguarneqassapput. Imaappoq aningaasaateqarfiup salliutissagai nunani aningaasaliissutinik ikinnerpaamik pissarsisimasuneersut kiisalu qinnuteqartut inuusuttunit nunanilluunniit amerlanerusunit qinnuteqartut.
- 2) Aningaasaliissutit suliniutinut assigiinngitsunut agguarneqassapput. Imaappoq aningaasaateqarfiup salliutissagai suliniutit allanit aningaasaliiffigineqannginnerusut.
- 3) Aningaasaliissutit inuusuttut suliniaqatigiiffiinut siammasissunut agguanneqassapput. Imaappoq aningaasaateqarfiup salliutissagai inuusuttut suliniaqatigiiffii suliniummut suleqatigiikkumasut.
- 4) Aningaasaliissutit naalagaaffeqatigiinnermi inuusuttut akornanni ilisarismaqatigiinnerunissamut tapertaassapput, naleqq. § 1, nr. 2. Imaappoq aningaasaateqarfiup salliutissagai oqimaaqatigiissumik ataavartumillu suleqateqatussat.
- 5) Aningaasaateqarfiup agguasarnermut tunngavissat § 4-miittut tunngavigalugit qinnuteqartut itigartissinnaavai qinnuteqartulluunniit aningaasat qinnutigineqartut ataallugit annertussuseqartut tunniussissinnaallugit aningaasaliissutit annertussusaat apeqqutaatillugu.

§ 5 Suut taperneqarsinnaappat?

- 1) Inuusuttut Savalimmiunit, Kalaallit Nunaannit Danmarkimillu naapeqatigiinnissaannut, minnerpaamik nunat marluk peqataaffigisaannut suliat suliniutillu, atortussat atortorissaarutillu suliniutinut atorineqartussat.
- 2) Siunertamut attuumassuteqartunik pingaaruteqartunik pisariaqartumillu angalanissamut, najugaqarnissamut, suliaqarnermut suliniutinut assigisaannullu qinnuteqartoqarsinnaavoq.
- 3) 10.000 kr-nit angullugit annertussusilinnik qinnuteqartoqarsinnaavoq, kukkunersiuinermi 100.000 kr angullugit.

4) Makkuli taperneqarsinnaanngillat:

- a. Ineqarnermut akiliutit, pisartakkanut akiliutit aningaartuutilluunniit aalajangersimasut allat.
- b. Pikkorissarnermut-/peqataanermut akiliutit.
- c. Aningaasarsiat kajumissutsimillu sulisussat aningaasarsiaasa matussusernerannut.
- d. Sanaartorneq illuutilluunniit iluarsartuunneri, kiisalu pissarsiassanut aalaakkaasunut.
- e. Suliniutinut Kalaallit Nunaata, Savalimmiut Danmarkillu avataaniittunut.
- f. Politikikkut qineqqusaarnernut.
- g. Guutisiornernut tunngassuteqarsinnaasunut.
- h. Suliniutinut qinnuteqartinnani aallartereersimasunut naammassereersimasunulluunniit.
- i. Suliniutit inuit akunnerminni pissusiinut tunnganerusut.
- j. Suliniut taperneqartoq isertitsissutaassappat iluanaarutit pisassat ilanngullugit naatsorsuusi-orneqassapput.

§ 6 Qanoq annertutigisunik qinnuteqartoqarsinnaava?

- 1) 10.000-200.000 DKK akornanni qinnuteqaammi ataatsimi qinnuteqartoqarsinnaavoq.

§ 7 Qanoq qinnuteqartoqassava?

- 1) Aningaasaateqarfimmut qinnuteqarneq nittartakkakuinnaq ingerlanneqarsinnaavoq, aningaasaateqarfiup nittartagaani immersuiffissakkut. Aningaasaateqarfiup allatseqarfia atortorissaarutitigut ajornartoortoqartillugu immikkut akuersissuteqarsinnaavoq.
- 2) Qinnuteqaatit nalilersorneqassapput qinnuteqarfissap qaangiunneratigut. Qinnuteqarfissamut killiliussaq aningaasaateqarfiup nittartagaatigut saqqummiunneqassaaq.
- 3) Qinnuteqaat qinnuteqaatit isigineqassaaq makkuninnga imaqarpat:
 - a. Suliniummut attaveqaataasup/akisussaasup tunngaviusumik paasissutissaatai, suliniummilu attaveqaataasooq minnerpaamik nunamit ataatsimit peqataasooq
 - b. Peqatigiiffiup CVR-nr-a imaluunniit inatsisitigut akisussaasup cpr-normua imlt. P.nr-a)
 - c. Qinnuteqaat immersorsimasooq qallunaatut allassimasooq
 - d. Ulloq aallartiffik ullorlu naammassiffik
 - e. Missingersuut
 - f. Aningaaserivik pillugu paasissutissat (registrerings- og kontonummer)

§ 8 Qinnuteqaatinik nalilersuineq aningaasaliinerlu

- 1) Aningaasaateqarfiup allatseqarfia qinnuteqaatinik nalilersuinermi paasissutissanik piumasaqarsinnaavoq.
- 2) Aningaasaateqarfiup aningaasanik agguaanermut ataatsimiititaliaata qinnuteqaatit qinnuteqarfissamut killiliussap qaangiutereernerani nalilersortarpai.

- 3) Qinnuteqaat nalilersorneqarnermini akuerisaasinnaavoq, tamakkiisuunngikkaluarmik akuerineqarsinnaavoq itigartinneqarsinnaalluniluunniit. Aalajangiisoqareerniariarpat qinnuteqartoq akisutisissaaq.
- 4) 10 % tikillugu missingersuusianut akuerisaasunut qaffaasoqarsinnaavoq. Allanguutit tamarmik aningaasaateqarfiup allatseqarfianut nalunaarutigineqarlutillu akuerineqaaqaassapput. Allanguutit akuerisaanngippata tapiissutit ilanngarneqarsinnaapput.
- 5) Aningaasanik tapiinissamut akuersisoqareernerata kingorna suliniutip imarisaanut piffissaliussaannuunniit allanguutit aningaasaateqarfiup allatseqarfianit akuerineqassapput. Allanguutit akuerisaasimatinnagit aningaasaliissutit ilanngarneqarsinnaapput.

§ 9 Aningaasanik tunniussineq

- 1) Aningaasanik tunniussineq marloriarluni pisarpoq. Tunniussineq siulleg tapiissutit 80 %-ii tunniussinerullu aappaani tapiissutit sinneruttut 20 %-it. Aningaasaliinermut allakkat tiguneqareerpata tapiissutit qinnutigineqarsinnaapput.
 - a. Aningaasaliissutinit tigusassat siulliit 80%-usut tigujumaneqarsinnaapput aningaasaateqarsiup allatseqarfiata nittartagaani immersugassap immersorneratigut. Immersugassaq suliniummut attaveqaataasumit atsiorneqarsimassaaq. Takukkit attaveqaataasup akisussaaf-fii § 3-iittut. Attaveqaataasoq 18-leereersimassaaq.
 - b. Aningaasaliissutinit tigusassat kingulliit 20 %-usut tunniunneqarsinnaapput aningaasaateqarfiup allatseqarfiata naatsorsuutit akuerisaasut nalunaarusiornerilu tigusimalerpagit. Erseqqinnerusumik takuuk § 10.
- 2) Tapiissutit tamaasa imaluunniit ilai uterteqquneqarsinnaapput:
 - a. Suliniut qinnuteqaammi allaaserineqartutut ingerlanngippat, imaluunniit piumasaqaatit Sjómaq-puljep malittarisassaanut naapertuutinnngippata.
 - b. Suliniut sinneqartooruteqarluni naammassineqarpat.
 - c. Naatsorsuutit suliniutilluunniit allaaserinera akuerineqarsinnaanngippat.
 - d. Utertitsinissamut periarfissat tamakkeqqanngippata.

§ 10 Qanoq nalunaarsuisoqassava?

- 1) 100.000 kr-it sinnerlugit aningaasaliisoqarsimappat tapiissutininik pissarsisut:
 - a. Immersuillutik nalunaarusiussapput.
 - b. naatsorsuusiussapput.
 - c. Nalunaarutigissavaat aningaasaliissutinit qanoq amerlatigisut atorneqarsimanersut kiisalu tapiissutit tapiisarnermut malittarisassat malillugit taakkulu najoqqutassat atorneqarsimanersut.
- 2) 100.000 kr-nit sinnerlugit aningaasaliissutinut taperneqartut:

- a. Nalunaarsuiffissaq immersussavaat.
 - b. naatsorsuusiussapput.
 - c. Nalunaarutigineqassaaq aningaasaliissutinit qanoq amerlatigisut atorneqarsimanersut, tapiissutillu malittarisassat malillugit atorneqarsimasut.
 - d. Akuerisaasumik naatsorsuuserisumit nalunaarummik nassiussissallutik. Naatsorsuuserisumut aningaasartuutissanik qinnuteqartoqasinnaavoq suliniut 100.000 kr-it sinnerlugit aningaasartuuteqassappat.
- 3) Allatigut isumaqatigiissuteqartoqarsimatinnagu aningaasaateqarfiup allatseqarfiata suliniutip naammassineranit kingusinnerpaamik qaammat ataaseq qaangiutsinnagu nalunaarusiaq tigussavaa.
 - 4) Tapiissutininik pissarsisut tamarmik naatsorsuutit pisinermut uppersaatitallit, fakturat assigisaallunniit suliniutip allartinneranit naammassineranut piunasaqaatillu aningaasaateqarfiup allatseqarfianut nassiutereernerini ukiuni tallimani paarissavaat.
 - 5) Nalaatsornerinnarmik aningaasaliissutit misissorneqartassapput aningaasartuutininut takussutissianik piunasaqartoqarsinnaalluni.
 - 6) Nalunaarsuineq amigarpat takussutissallunniit amigaateqarpata talpissutit ilai tamakkiisullunniit uterteqquneqarsinnaapput

§ 11 PR eqqartugaanerlu

- 1) Dansk Ungdoms Fællesrådip aamma det danske Kulturministeriep suliniummut paasissutissat suliniutip eqqartornissaanut atorsinnaavai, qinnuteqartorlu tamatumani peqataassasoq naatsorsuutigineqarpoq.
- 2) Aningaasaateqarfiup allatseqarfiata qulakkiissavaa aningaasaateqarfiup nittarsaannissaa qinnuteqarfissallu ulluisa nalunaarutigineri.

§ 12 Aningaasaateqarfiup allaffia

- 1) Aningaasaateqarfik Dansk Ungdoms Fællesrådip allatseqarfianit aqunneqarpoq dansk Kulturministeriumimik isumaqatigiissuteqarneq naapertorlugu.
- 2) Aningaasaateqarfik Danmarkimi angerlarsimaffeqarpoq, danskit inatsisaat malillugit aningaasallu danskit aningaasaat malippaa (DKK).